

Ilanngussaq 8



INATSISARTUT

**Inatsisartut Kukkunersiuinermut
Ataatsimiititaliaat
MAANI**

Ulloq: 17. august 2015

J.nr.: 01.31.11/15FM-LABU-00008

Aningaasaqarnermut Akileraartarnermullu Ataatsimiititaliap 2014-imi ilassutitut aningaasaliissutitut inatsisissatut siunnersuummik (UPA 2015/8) suliarinninnera.

Siunnersuummik suliani taaneqartumik suliarinninnerminut atatillugu ataatsimiititaliaq 11. april 2015-imi isumaliutissiissummini (ataatsimiititaliap isumaliutissiissutaani takuuk immikkoortoq 9.5 qup. 16) allappoq aviisinut nuna tamakkerlugu saqqummersartunut tapiissutitut (2014-imi aningaasanut inatsimmi konto pingaarneq 10.06.24) tunngasumik suliaq pillugu Kukkunersiuinermut Ataatsimiititaliaq ilisimatilersaarini.

Tamatumani ataatsimiititaliap isumaqarpoq aviisinut nuna tamakkerlugu saqqummersartunut tapiissutissatut aningaasaliissutit Naalakkersuisut aqutsinerat ataatsimiititaliamit naatsorsuutigineqartunut eqquutsitsinngitsoq. Tamatuma ilaatigut kingunerisaanik Great Greenlandimut aningaasaliinissamut Naalakkersuisut ilassutitut aningaasaliissuteqarnissamik qinnuteqaataat ataatsimiititaliamit akuerineqarsinnaasimangilaq (suliaq nr. 01.31.06/14-00675), tamatumani konto pingaarnermit suliani taaneqartumit nuussinikkut aningaasaliissutit ilaat pissarsiarineqartussaallutik.

Aningaasat aviisinut nuna tamakkerlugu saqqummersartunut tapiissutitut immikkoortinneqartut maleruagassat periutsillu atuuttut malillugit tunniunneqassasut ataatsimiititaliap isumaqarpoq. Ajoraluartumik aningaasat tunniunneqanngillat aammalu Aningaasaqarnermut Akileraartarnermullu Ataatsimiititaliap tungaanit isigalugu suliaq suli paasinarsisinneqanngilaq. Ataatsimiititaliap isumaa malillugu suliaq paasinarsisinneqartariaqarpoq, taamaalilluni suliasat taamaattut siunissami pinngitsortinneqarsinnaaqqullugit.

Ataatsimiititaliap isumaqarpoq suliamut tunngatillugu ataatsimiititaliap apeqquatai Naalakkersuisunit akineqanngillat. Akerlianik 2015-imut aningaasanut inatsisissatut siunnersuummut atatillugu Aningaasaqarnermut Akileraartarnermullu Ataatsimiititaliap apeqquataanut akissutitik Naalakkersuisut innersuussutigaa. Apeqquutili taakkua ataatsimiititaliap isumaa malillugu aamma akineqanngillat.

Suliaq 2014-imi aningaasanut inatsimmut attuumassuteqarmat Aningaasaqarnermut Ataatsimiititaliap suliami tassani iliuuseqaqqissinnaangilaq. Aamma konto pingaarneq pineqartoq atorunnaarsimavoq, 2015-imili aningaasanut inatsimmik akuersissutiginninnermi kontomik pingaarnermik allamik taarserneqarsimalluni: 40.94.28 Nunatsinni tusagassiuitinut naqitanut tapiissutit.

Inussiarnersumik inuulluaqqusillunga

Jens Immanuelson
Ataatsimiititaliap siulittaasua

Naalakkersuisut Siulittaasuat

30-06-2014

Suliap nr.: 2014-096041

Oqaluuserisassani imm.: 1

Naalakkersuisut isummernissaannut tunngavissiaq

SermitsiaqAG-mit tapiissutinik qinnuteqaat

Inassuteqaat

Naalakkersuisunut inassutigineqassaaq:

- Aviisinut nuna tamakkerlugu saqqummersinneqartartunut marlunnik oqaasilinnut Sermitsiaq AG-ip tapiissutinik 2,5 mio. kr.-inik qinnuteqaataa itigartinneqassasoq,
- Aningaasanut Inatsit 2015-ip oqaluuserineqarnissaata tungaanut konto 10.06.24-p allanngortinnissaa pillugu Siulittaasup Naalakkersuisoqarfia siunnersuummik saqqummiussissasoq.

Aallaqqaasiut

Aviisinut nuna tamakkerlugu saqqummersinneqartartunut marlunnik oqaasilinnut 2014-imut tapiissutissanik qinnuteqaat Siulittaasup Naalakkersuisoqarfiata Sermitsiaq - AG-mit tiguaa. Qinnuteqaat ulloq 11. februar 2014 tiguneqarpoq.

2014-imut aningaasanut inatsimmi , konto 10. 06. 24-imi allassimavoq tapiissuteqarnissamut piomasqaataasoq aviisit naqitanngorlugit nuna tamakkerlugu sapaatit akunneri tamaasa kalaallisut danskisullu saqqummersinneqartassasut, tamannalu SermitsiaqAG-mit nunami kisiartaalluni malinneqarpoq.

Tunuliaqutaasoq

2014-imut tapiissutinik SermitsiaqAG-ip qinnuteqataanut itigartitsinissamut inassuteqarnermut immikkoortut makku aalajangiisuupput. Tamakku saniatigut tikkuarneqassapput Naalakkersuisut aamma SermitsiaqAG-ip akomanni ataatsimiittarnerit piffissami kingullermi ingerlanneqarneri, SermitsiaqAG-ip maannakkut siunissamilu inissisimaneranut atortut itilisiisut taakkunani qitiutinneqarlutik. Taamaattumik inaarutaasumik aalajangiineq eqqarsaatigalugu atortut nassiunneqartut sunniuteqarput.

Qinnuteqaammut piffissaliussaq

Kotomut erseqqissaatini 8. januar 2014 piffissaliunneqartut allassimasoq eqqarsaatigalugu qinnuteqaat kingusinaartumik tiguneqarpoq. Piffissaliussanik eqqortitsineq aamma Naalakkersuisunut pingaaruteqartorujussuvoq.

Nioqqutissanik atuineq

Inerisaanermik suliniummut annerusumut atatillugu nioqqutissanik atuineq 2013-imi annertuumik qaffariarpoq, taamaattoq tamanna ataasiaannarluni pisussatut ilimagineqarpoq taamaattumillu nioqqutissanik atuinerup taama annertutigisumik qaffariarnissaa siunissami takuneqassangilaq.

Akiitsut

Ingerlatseqatigiiffimmi akiitsut ukiut pingasut ingerlanerini annertuumik appartinneqarput, DKK 2,2 mio. kr. missaannik.

Namminerisamik aningaasaatit

Ingerlatseqatigiiffik ullumikkut tunngaviusumik ajutoortussaannngitsutut inissisimavoq DKK 14 mio. kr. missaannik namminerisamik aningaasaateqarluni.

Aningaasaateqarnermik misissuineq **ilanngussaq 1-imi** ilanngunneqarpoq.

Tusagassiorfinnut nalunaarut **ilanngussaq 2-mi** ilanngunneqarpoq.

Siuliani immikkoortut ataatsimut isigalugit inassutigineqassaaq tapiissutinik DKK 2,5 mio. kr.-nik qinnuteqaat itigartinneqassasoq. Ilanngullugu Siulittaasup Naalakkersuisoqarfiata siunnersuutiginiarpaa konto 10.6.24 2015-imut Aningaasanut Inatsisip suliarinissaanut allanngortinneqassasoq.

Aningaasatigut kingunerisassai

Qinnuteqaat itigartinneqassappat Nunap Karsiata siunissami 2,5 mio. kr. sipaarutigissavai siunertanut allanut atorneqarsinnaasut.


Attaveqatigiinneq

Naalakkersuisut aalajangemerat Siulittaasup Naalakkersuisoqarfiata Sermitsiamut aamma
Atuagagdliutit - AG-mut nalunaarutigissavaa tusagassiorfinnullu nalunaarut ilanngunneqartoq
nassiullugu.

Tusarniaaneq

Isummernissamat tunngavissiaq Aningaasaqarnermut Nunamullu Namminermut
Naalakkersuisoqarfimmut tusarniaassutigineqarsimavoq.


Aleqa Hammond


SINNERLUGU
Svend Hardenberg

Ilanngussat

Ilanngussaq 1 - Aningaasaqarnermik misissuineq

Ilanngussaq 2 - Tusagassiorfinnut nalunaarut



Ilanngussaq 1 - Aningaasaateqarnermik misissuineq

Ilanngussami matumani Sermitsiap aningaasaqarnikkut angusai kingulliit misissorneqarput. Nuna tamakkerlugu aviisit tapiissutisinnisaannut itigartitsinissamik Naalakkersuisut aalajangiinerannut ilanngussaq tunngavittut allakkiaavoq.

Takussutissiaq 1-imi ataaniittumi ukiut kingulliit pingasut Sermitsiap aningaasaqarnikkut angusai takuneqarsinnaapput.

Naatsorsuinerit/Ukioq t. kr.	2011	2012	2013
Ilanngaattissat peernagit iluanaarutit	19.156	21.147	19.485
Nioqutissanik atuineq		(5.530)	(7.699)
Sulisunut aningaasartuutit	(15.644)	(16.738)	(17.236)
Nalikiilliliineq	(659)	(407)	(59)
Ingerlatsinerimi angusat	2.853	4.002	2.189
Piginneqataaernermit pissarsianit isertitat	377	571	822
Aningaasanik isertitat allat	43	193	313
Aningaasaliissutitigut aningaasartuutit	(131)	(24)	(24)
Ukiumi angusat	3.142	4.741	3.300
Naalakkersuisut tapiissutaat	1.500	1.500	2.500
Ukiumi angusat (-tapiissutit)	1.642	3.241	800
Inernerit qanoq pineqamissaannut siunnersuut			
Ukiup tullianut nuutat	2.765	4.171	2.784
Sillimmatissatut immikkoortitat	377	571	516
Kisitsisit pingaamerit %-inngorlugit			
Sinneqartoorutit agguaqatigiissillugit		13,4%	7,6%
Nammineq aningaasaatinik ingerlatsineq	52,8%	44,4%	23,6%
Akiliisinnaassuseqarneq	40,0 %	64,6%	67,7 %

Takussutissiaq 1: 2011-mit 2013-imut angusat naatsorsorneqarnerat – Sermitsiaq AG

Takussutissiaq 1-imi qulaaniittumi takuneqarsinnaasutut ingerlatseqatigiiffiup aningaasaqarnikkut ineriartornera pitsaavoq. Ilanngaattissat peernagit iluanaarutaasartut ukiumut 20 mio. kr.-t missaanniittarput. Tamatuma saniatigut oqaatigineqassaaq, 2012-imit 2013-imut nioqutissanik atuinerup 39 %-inik qaffassimanera ataasiaannarluni pisutut isigineqartariaqartoq, tassa ineriartortitsilluni suliniuteqarneq tassani pineqarmat, tamatumani siunissami ilanngaattissat peernagit iluanaarutaasartussat annikinnerulersinnaallutik.

Ingerlatseqatigiiffimmi aningaasartuutaanerpaasut tassaapput sulisunut aningaasartuutit, taakku ukiut tamaasa qaffakkiartortarput ukiorlu kingulleq DKK 17,2 mio.-nik annertussuseqarlutik. Ukiumi angusat allanngorarnertigut takuneqarsinnaavoq 2011-mit 2012-imut malunnaatillimmik qaffassimasut aamma 2012-imit 2013-imut appariaqqissimasut. Angusat appariaallakkaluartut ingerlatseqatigiiffiup aningaasaqarnera suli ingerlalluarpoq, 2013-imi ukiumut naatsorsuusiorfiusumut tullermut DKK 2,7 mio.-t nuunneqarlutik aamma DKK 516 t kr.-t sillimmatissatut

30-06-2014

Sullap nr 2014-096041

All. nr. 1589064

Postboks 1015

3900 Nuuk

Oqarasuaat (+299) 34 50 00

Allakkasuaartaat (+299) 32 50

02

E-mail: govsec@nanoq.gl

www.naalakkersuisut.gl

immikkoortinneqarlutik. Taakku saniatigut piginneqataanermit pissarsianit isertitaasartut ukiut kingullit pingasut ingerlaneranni qaffakkiartorsimapput.

Naggataatigut minnerunngitsumillu ingerlatseqatigiiffik ukiuni pingasuni kingullerni katillugit DKK 5,7 mio.-nik sinneqartooruteqarsinnaasimavoq, tassa piffissami tassani Naalakkersuisut tapiissutaat katillugit DKK 5,5 mio.-t eqqaassanngikkaanni. Akillisinnaassuseqarluarnerisa nassataannik allat aningaasaataannut sunniuteqanngitsumik siunissami annertunerusunik annaasaqarnissaq nammassinnaavaat.

Naatsorsuinerit/Ukioq t. kr.	2011	2012	2013
Nammineq aningaasaatit	5.947	10.689	13.988
Aningaasaatit tigorianaat	210	2.781	2.779
Akiitsut pisussaaffiusut	8907	5852	6659

Takussutissiaq 2: Kisitsisit pingaernerit immikkut toqqakkat - Sermitsiaq AG

Nammineq aningaasaatit qaffakkiartortuarput, ullorlu 31/12 2013 naatsorsuutit naammassineqarneranni katillugit 14 mio. kr.-ngajalluinnaallutik. Piffissami tassani aningaasaatit tigorianaat 3 mio. kr.-ngajalluinnaapput. Taakku saniatigut ukiuni pingasuni kingullerni nammineq aningaasaatit qaffakkiartorneranni akiitsut DKK 2,2 mio.-nik ikileriatinneqarput.



Inatsisartut
/MAANI

Att: Aningaasaqarnermut Akileraartarnermullu Ataatsimiititaliaq

**Mediehuset SermitsiaqAG-mit sassarnissamik qinnuteqarneq pillugu
Aningaasaqarnermut Akileraartarnermullu Ataatsimiititaliamut ilisimatitsissut**

30-06-2014
Sags nr. 2014-096041
Dok. nr. 1622113

Konto 10.06.24 nuna tamakkerlugu avisinut tapiissutinut tunngatillugu saaffiginnissut Naalakkersuisut tiguaat. Naalakkersuisut allakkiami matumani suliamik sularinninnermut tunngatillugu nassuiaateqassapput.

Postboks 1015

3900 Nuuk

Tlf (+299) 34 50 00

Fax (+299) 32 50 02

E-mail: govsec@nanoq.gl

www.naalakkersuisut.gl

Aallaqqaasiut

Aallarniutugalugu Naalakkersuisut oqaatigissavaat tamanna Mediehuset SermitsiaqAG-mit sassarnissaq pillugu allagaqaammut tunngasuummat.

Suliamut matuma siuliani allassimasumut atatillugu pissutsit arlallit atuupput. Ukiup allartinneranili Naalakkersuisut SermitsiaqAG ingerlaavartumik oqaloqatigisarpaat, tassani mail-ikkut attaveqaqatigiinnerit saniatigut ataatsimeeqatigiittoqartarluni, SermitsiaqAG-p maannakkut siunissamilu aningaasaqarnikkut inissisimaneranut tunngatillugu najoqqutassat itisiliiffiusut qitiusumik sammineqarlutik. Ataatsimut isigalugu najoqqutassat nassiunneqarnissaat ajornakusoortarsimavoq aammalu suliassap sularineqarnerani taamaalilluni pisuni arlalinni najoqqutassanik itisiliiffiusunik piunasaqarnissaq pisariaqartinneqartarsimalluni, assersuutugalugu siammarterinnermut allattorsimaffiit, periusissanut pilersaarutit, ukiumoortumik nalunaarusiat il.il.

SermitsiaqAG-mit najoqqutassanik assigiinngitsunik sivisuumik utaqqisarneq pissutugalugu Naalakkersuisut ulloq 19. maj 2014 SermitsiaqAG nalunaarfigaat, inaarutaasumik aalajangernissaq juutip qaammataata qiteqqunnerani Naalakkersuisunit aalajangiunneqassasoq naatsorsuutigineqarsinnaasoq.

Suliassanik sularinninneq

Pineqartumut tunngatillugu suliassanik sularinninneq naatsumik matuma kinguliani nassuiarneqassaaq.

SermitsiaqAG-mit najoqqutassat tamarmik tiguneqareernerisa kingorna suliassamik sularinninneq aallartissinnaalerpoq. Naalakkersuisut qinnuteqaat ulloq 11. februar 2014 tiguaat, taamaalillutillu tunniussinissamut piffissaliussamut naleqqiullugu kingusinaartumik.

Tapiissuteqarnermut siunertaavoq Kalaallit Nunaanni avisiiliornermik ingerlatsinerup ingerlaannarnissaata qulakkeerneqarnissaa, aammalu Naalakkersuisut SermitsiaqAG-ip ukiumoortumik nalunaarusiaannik kingullernik pingasunik misissuinerani paasineqarpoq SermitsiaqAG aningaasaqarnikkut nukittuumik inissisimasoq. Ukiuni pingasuni kingullerni ukiumut naatsorsuutitut tunngatillugu ukiumi angusat kisiisa isigalugit SermitsiaqAG ukiuni pingasuni tamaginni sinneqartooruteqartarsimavoq, aamma

Naalakkersuisunit tapiissutit ilanngaatigigaluaaraanniluunniit. Ataatsimut isigalugu SermitsiaqAG-p sinneqartoorutai tapiissutit ilanngullugit DKK 11,2 millioner koruuniupput, piffissami ukiunik pingasunik sivirususilimmi tapiissutit ilanngunnagit DKK 5,7 millioner koruuniullutik.

Piffissami tassani SermitsiaqAG nammineq aningaasaatiminnik marloriaammit annertunerusumik annertusititsisimavoq, taamaalilluni taakkua ullumikkut DKK 14 millioner koruuningajalluinnarnik annertussuseqarlutik. Piffissami tassani akiitsuminnik DKK 2 millioner koruunit sinnerlugit annikillisisimavoq, taamaalilluni taakkua 2011-imi DKK 9 millioner koruuningajalluinnaasimangaluarlutik, ullumikkut DKK 6,5 millioner koruunit missaanniillutik.

Tamatuma saniatigut SermitsiaqAG-ip akiitsuni annikillissimavai aammalu aningaasat uninngasuutai 2011-imi DKK 200.000 koruunit missaanniit 2013-imi DKK 3 millioner koruuningajalluinnarnut annertusisimallutik. Aamma ilanngussaq 2 innersuussutigineqarpoq.

Ataatsimoortumik naliliineq

Taamaattumik suliatigut ataatsimoortumik naliliineq aallaavigalugu inassutigineqarpoq, Nuna tamakkerlugu aviisinut tapiissutit pillugit qinnuteqaat, pingaartumik marlunnik pissuteqartumik akuerineqassanngitsoq:

1. SermitsiaqAG ullumikkut sullissiviuvoq imminut pigisoq patajaallisarluarsimasoq aammalu tapiissuteqarfingineqarani nunami namminerimi aviisiliornermik ingerlatsisinnaasariaqartoq.
2. Qinnuteqaammik tunniussinissamat piffissaliussaq qaammammit ataatsimit sivirusunerusumik kinguaattoorfusimavoq.

Tamatuma saniatigut siunnersuutigineqarpoq 2015-imut Aningaasanut inatsisip suliarineqarnissaanut konto 10.06.24 allanngortinneqassasoq, taamaalilluni SermitsiaqAG kisimi siunissami tapiissutinik qinnuteqaateqarsinnaassanani, kisiannili tusagassiorfiit, naqitanik taamatullu allanngortunik suliaqartut tapiissutinik qinnuteqarsinnaassallutik. Maannakkorpiaq taamaallaat SermitsiaqAG kisiartaalluni tapiissutinik qinnuteqarsinnaavoq. Aviisinut tapiissutinik qinnuteqaatinut naatsorsuutigineqartut nutaat pillugit konto 10.06.24-imut oqaasertaliussamat siunnersuummi erseqqinnerusumik nassuiarneqarpoq.

Ilanngussat marluk ilanngunneqarput.

Ilanngussaq 1. Ajornartorsiut matuma siuliani taaneqartoq pillugu Naalakkersuisut isummernissaannut tunngavissiaq

Ilanngussaq 2. Piffissamat 2011-2013-imut naatsorsuutit misissorneqarnerat

Inussiarnersumik Inuulluaqqusillunga


Aleqa Hammond



Naalakkersuisut Siulittaasuat
Aleqa Hammond
/MAANI

Ull.: 7. august 2014
J.nr.: 01.31.05-00018

Tusagassiivik Sermitsiaq/AG-p aviisnut tapiissuteqarfigneqarnissaanik itigartitsineq pillugu apeqqufit

Tusagassiivik Sermitsiaq/AG-p aviisnut tapiissuteqarfigneqarnissaanut itigartitsissummik Naalakkersuisut 9. juli 2014-imi nalunaaruteqarput. Itigartitsissummi makku ilaatigut oqaatigineqarput:

Aalajangiineq

Qinnuteqaatip piffissaq eqqorlugu tunniunneqarsimannginnera Naalakkersuisut aalajangiinnerminni pingaartissimavaat. Tamatuma saniatigut Naalakkersuisut Sermitsiaq/AG-p aningaasaqarnikkut inissisimanagera naliliivigisimavaat inerniliisimallutillu tamanna tapiissuteqarnissamut tunngavissinngitsoq.

Taamaasillunilu Sermitsiaq/AG-p qinnuteqaataa Naalakkersuisunit itigartitsissutigineqarpoq.

Naammagittaalliuuteqarnissamut ilitsersuut

Aalajangiineq taanna inaarutaavoq allaffissornikkullu oqartussaasumut allamut naammagittaalliuutigineqarsinnaanani.

Tamanna aammalu tamanna pillugu ilisimatitsissut ataatsimiititaliap Naalakkersuisunit tigusaa tunngavigalugit Aningaasaqarnermut Akileraartarnermullu Ataatsimiititaliaq Naalakkersuisunut arlalinnik sammisakkaartunik apeqquteqarnissaminut tunngavissaqarsoraq:

Piffissap tunniussivissap malinneqannginnerata sunniuteqarnera:

Kontomi pingaarnermi 10.06.24-mi missingersuutit immikkoortiternerini aviisnut tapiissutinik qinnuteqarnissamut piffissaliussamik aalajangersaasoqarpoq. Aningaasat kontomi pingaarnermi immikkoortinneqartut qinnuteqartut akornanni agguataarneqarnissaat eqqarsaatigalugu tunniussinissamut piffissaliisoqarsimasoq ilimagineqarpoq. Taamaalilluni missingersuutit immikkoortiternerat ima ilusilersorneqarsimavoq kalaallisut danskisullu aviisunik sapaatip akunnikkuutaartumik naqiterneqartartunik saqqummersitsisartup maanna ataasiinnaanerata allannguuteqarsinnaanera eqqarsaatigineqarsimalluni. Ukiumi aningaasanut inatsiseqarfiusumi taamatut saqqummersitsisartuq ataasiinnaanani saqqummersitsisartut arlaqarpata qinnuteqarnissamut killiliisoqarnissaa pisariaqarpoq, taamaalilluni kingusinnerusukkut qinnuteqaatinik allanik takkuttoqaratarsinnaanera aarleqqutiginagu aningaasat qinnuteqartut akornanni agguataarneqarsinnaaqqullugit.

Tusagassiivik Sermitsiaq/AG piffissap qinnuteqarfissap naanerata kingorna aviisinut tapiisutininik qinnuteqarsimasoq Aningaasaqarnermut Ataatsimiititaliap paasivaa. Aammattaaq Tusagassiivik Sermitsiaq/AG nunatsinni kalaallisut danskisullu aviisinik naqitanik sapaatip akunnikkuutaartumik nuna tamakkerlugu saqqummersitsisartut maanna kisiartaasoq, taamaattumillu piffissami qinnuteqarfissap qaangiunnerani allanit qinnuteqaatinik tigusaqar-toqarsimanngitsoq Aningaasaqarnermut Ataatsimiititaliap paasivaa.

Kiisalu qinnuteqaatip kingusinaartumik tiguneqartup suliarinissaa Naalakkersuisut itigartissi-manngikkaat qinnuteqarnissamullu piffissarititap eqqortinneqarsimannginnera Naalakker-suisut aalajangiinermi pingaartissimagaat Aningaasaqarnermut Ataatsimiititaliap paasivaa.

Tamanna tunngavigalugu apeqqutit matuma kingulianiittut akissuteqarfigeqqullugit Naalakkersuisut Aningaasaqarnermut Ataatsimiititaliamit qinnuigineqarput:

1a: Nunatsinni aviisinik nuna tamakkerlugu saqqummersitsisartuq ataasinnaatillugu, taamaalillunilu qinnuteqarsinnaasoq ataasinnaatillugu missingersuutit immikkoortiterneranni piffissaliunneqartoq apeqqutaatinnagu piffissamik qaangiinerup isiginiannginnissaanut Naalakkersuisut periarfissaqartut Naalakkersuisut naliliippat?

1b: Apeqqut 1a naaggaarneqarpat: Piffissamik qaangiinerup isiginiannginnissaanut missi-ngersuutit immikkoortiternerat piffissiinngitsoq Naalakkersuisut isumaqarunik Naalakker-suisut qinnuteqaat suliarinagu itigartissimasariaqaraluaaraat eqqortumik paasinninnerua?

1c: Apeqqut 1a angerneqarpat: Piffissaritinneqartumik qaangiineq isiginiarnagu qinnute-qaatip suliarinissaa Naalakkersuisut toqqarpassuk qinnuteqarnissamut piffissaritinneqar-tumik qaangiineq itigartitsinermi tunngavilersuutigissallugu pingaaruteqanngitsoq eqqortumik paasinninnerua?

1d: Qinnuteqaatip itigartinneqarneranik imaluunniit qinnuteqartup itigartitsissummik nalunaaruteqarfigineqarneranik kinguneqanngitsumik siusinnerusukkut (2011 aamma 2012-imi) piffissaritinneqartoq qaangiutereersoq aviisinut tapiissutininik Tusagassiivik Sermit-siaq/AG marloriarluni qinnuteqarsimasoq Naalakkersuisut uppernarsarsinnaavaat?

Aningaasanut inatsimmi konto pingaarnermi 10.06.24-mi aningaasaliissutininik tamakkiisumik ilaannakortumilluunniit atuinnginnissamik Naalakkersuisut periarfissaat pillugu.

Nuna tamakkerlugu aviisinut tapiissuteqarnissamut aningaasaliissutininut inatsisitigut tunnga-vigineqartoq aningaasanut inatsimmi konto pingaarnermi 10.06.24-mi nassaassaavoq.

Konto pingaarnermi tassani missingersuutit immikkoortiternerini makku paasissutissiissutigineqarput:

"Konto pingaarneq manna aqqutigalugu Naalakkersuisut kissaatigaat nuna tamakkerlugu aviisit saqqummersinneqartarnerisa ingerlaannarnissaa.

Aviisit ingerlaannarnissaat qulakkeerniarlugu tapiissutit tunniunneqarput, peqataanillu allatut siammarterisinnaanermut ineriartortitsinissaminnik imaluunniit sunnuteqarnerusumik tunisassiorsinnaanermut teknikip tungaatigut nutaanik suliniuteqarnissaminnut periarfissinneqassapput.

Konto pingaarnermi matumani aningaasaliissutit qinnuteqaateqareernikkut tunniunneqartassapput. Qinnuteqartunut piumasarineqarpoq sapaatit akunneri tamakkerlugit nuna tamakkerlugu aviisinik kalaallisut danskisullu naqitanik saqqummertoqassasoq.

Kontomi pingaarnermiit matuminnga ukiut tamaasa aningaasaliissutinik qinnuteqartoqarsinnaavoq kingusinnerpaamik 8. januar. Tamatuma kingorna aningaasaliissutit qinnuteqaateqarsimasut akuerisat akornanni agguanneqassapput. Aningaasaliissutit qaammatit pingasukkaarlugit ulluni 15. januar, 15. april, 15. juli aammalu 15. oktober tunniunneqartassapput."

Aningaasaliissutinik inatsisitigut pisussaaffiunngitsunik tamakkiisumik ilaannakortumilluunniit atuinissamut Naalackersuisut aallaaviatigut pisussaaffeqanngillat – akermanik aningaasanik paarsanik akisussaassuseqartumik aqutsinissamut Naalackersuisut pisussaaffeqarput. Tamannali tunngavissiaannaavoq: Taamaalilluni aningaasaliissutit ima oqariatuutitaqartutut paasineqarsinnaapput; ingerlatassap aalajangersimasup imaluunniit anguniakkap aalajangersimasup anguniarneqarnissaanik Naalackersuisut Inatsisartunit peqquneqarsimasut. Pisulli ilaanni aningaasaliissutit tamakkerlugit atornissaannut Naalackersuisut allaat pisussaaffilerneqarsinnaapput. Tamatumunnga assersuutaasinnaavoq pinngortitami ajunaarnersuaqarneranut (assersuutigalugu Balimi tsunameqartillugu) Inatsisartut aningaasanut inatsimmi aningaasanik ikiuinnermut atugassanik immikkoortitsisimasut. Taamaattoqartillugu ikiuniarluni suliniarnermut aalajangersimasumik tapiissuteqarnissamut Inatsisartut Naalackersuisunut peqqusissutaattut aningaasaliissutit isigineqarsinnaapput, taamaattumillu aningaasaliissutit Naalackersuisunit atunngitsoorneqarsinnaanatik imaluunniit taakku ilaannaat atorneqarsinnaanatik. (Tamanna pillugu assersuutigalugu takuuk Max Sørensen: "Statsforfatningsret", saqqummersitat aappaat, qupp. 245).

Konto pingaarnermut 10.06.24-mut missingersuutit immikkoortiterneranni allassimappat aningaasat qinnuteqarsinnaatitaasut akornanni agguataarneqassasut tamanna ima paasineqarsinnaavoq aningaasaliissutit immikkoortinneqartut tamarmiusut qinnuteqartut piunasaqaatinik naammassinnittut akornanni PINNGITSOORATIK agguataarneqassasut Inatsisartut tunngavissaatikkaat. (Tamanna pillugu assersuutigalugu takuuk Henrik Zahle: "Pligt til at afholde udgift" i "Regering, forvaltning og dom", 3. udgave, 2011, qupp. 68).

2. Ajornartorsiummut tamatumunnga Naalackersuisut qanoq oqaaseqaatissaqarpat?

Aviisinik kalaallisut danskisullu naqitanik nuna tamakkerlugu sapaatip akunneri tamaasa saqqummersitsisartup aningaasaqarnikkut inissisimanera innersuussutigalugu aviisnut tapiissutinik tuniumanginnissaanut Naalackersuisut periarfissaat pillugu:

Tusagassiivimmut Sermitsiaq/AG-mut itigartitsinerminnut tunngavilersuumminni (piffissaritinneqartumik qaangiinerup saniatigut) Tusagassiivik Sermitsiaq/AG-p aningaasaqarnikkut inissisimanerata "tapiissuteqarnissamut tunngavigineqarsinnaannginnera" Naalakkersuisut pingaartissimavaat.

Konto pingaarnermut 10.06.24-mut missingersuutit immikkoortiternerat (piffissap qinnuteqarnissamut killissarititap saniatigut) qinnuteqartunut piumasaqaammik ataasiinnarmik imaqarpoq: Qinnuteqarnissamut piumasaqaataavoq kalaallisut danskisullu nuna tamakkerlugu aviisinik naqitanik sapaatit akunneri tamaasa saqqummersitsisarnissaq.

Taamaakkaluartoq missingersuutit immikkoortiterneqarneranni aamma allassimavoq "aviisit ingerlaannarnissaat qulakkeerniarlugu tapiissutit tunniunneqarput, peqataanillu allatut siammarterisinnaanermut ineriartortitsinissaminnik imaluunniit sunniuteqarnerusumik tunisas-siorsinnaanermut teknikip tungaatigut nutaanik suliniuteqarnissaminnut periarfissinneqassapput".

Aviisinut tapiissutit 2010-mi aningaasanut inatsimmi atuutsinneqalerput, nassiussinermut tapiissutinut immikkut ittumik aqqissuussinerup atorunnaarsinneqarnerata kingorna nuna tamakkerlugu aviisinik saqqummersitsisarnissap ingerlaannarnissaata qulakkeerneqarnissaanik siunertaqarlutik ukiunut pingasunut atuuttussatut utaqqiisaasumik aqqissuussinertut atuuteqqaaralutik.

Aqqissuussineq 2013-imi aningaasanut inatsimmi ataavartunngortinneqarpoq.

Aningaasaqarnermut Ataatsimiititaliaq aningaasanut inatsisissatut siunnersuutip aappassaaneerneqarnissaanut isumaliutissiissummini tamanna pillugu ima oqaaseqarpoq:

Aviisit nuna tamakkerlugu saqqummersartut tusagassiornikkut pitsaasuunissaat eqqarsaatigalugu taamatut tapiissuteqarnissaq pisariaqartutut isigineqarpoq.

2014-imi aningaasanut inatsimmik Inatsisartut akuersissutiginninnermikkut tapiissutit suli pisariaqartinneqartutut isigigitik takutippaat.

3a: Inatsisartut 2014-imi aningaasanut inatsimmik akuersissutiginninnerisa kingorna aviisit nuna tamaat saqqummersartut aningaasaqarneranni siumut naatsorsuutigineqarsinnaasimannngitsumik aammalu tapiissutit pisariaqarunnaarnerannik kinguneqartumik pisoqarsimasoq Naalakkersuisut isumaqarpat?

3b: Naalakkersuisut isumaat malillugu missingersuutit immikkoortiterneranni siunertaq taaneqartoq ima kinguneqarpa; tapiissutit tunniunneqanngippata qinnuteqartup aviisinik sapaatip akunnikkaartumik saqqummersitsinnaanerata ulorianartorsiornissaa tapiissutinik tunniussinissami piumasaqaataasoq?

3c: Qinnuteqartup aningaasaqarnikkut atugai pillugit paasisutissanik Naalakkersuisut qinnuteqartumut piumasaqarsinnaanerata missingersuutit immikkoortiterneranni tunngavissinneqanngilaq aammalu aningaasat qaammatit pingasukkaarlugit tunniunneqartassasut missingersuutit immikkoortiterneranni allassimavoq, tamannalu siullermik pissalluni 15.

januar; tassa qinnuteqarfissap qaangiunnerani sapaatip akunnera ataasiinnaq qaangiuttoq. Tamanna tunngavigalugu ilimanarpa qinnuteqartut ataasiakkaat aningaasaqarnikkut atugaannik immikkut naliliineq tunngavigalugu aningaasat tunniunneqartarnissaat Inatsisartunit tunngavissaatinneqarsimasoq?

3d: Aviisinut tapiissutinik qinnuteqartut aningaasaqarnikkut atukkaminnik paasissutissiinissaat Naalakkersuisut ukiut siulini piumasaqaatigisarsimavaat?

Tusagassiivik Sermitsiaq/AG-p aningaasaqarnikkut inissisimanera pillugu:

Tusagassiivimmut Sermitsiaq/AG-mut itigartitsinerminnut tunngavilersuumminni (piffissaritinneqartumik qaangiinerup saniatigut) Tusagassiivik Sermitsiaq/AG-p aningaasaqarnikkut inissisimanerata "tapiissuteqarnissamut tunngavigineqarsinnaannginnera" Naalakkersuisut pingaartissimavaat".

Aningaasaqarnermut Ataatsimiititaliap paasinninnera malillugu Tusagassiivik Sermitsiaq/AG ukiuni kingullerni pingasuni akileraaruteqareernermi skemap matuma kingulianiittumi allassimasut malillugit ukiumut angusaqartarsimasoq:

2011	2012	2013
3,1 mio. kr.-inik sinneqartoorneq	4,74 mio. kr.-inik sinneqartoorneq	3,3 mio. kr.-inik sinneqartoorneq

4a: Naalakkersuisut 2012-imi Tusagassiivik Sermitsiaq/AG-mut aviisinut tapiissummik tunniussisimasut aammalu Tusagassiivik Sermitsiaq/AG ukiup taassuma siuliani akileraaruteqareernermi 3, 1 mio. kr.-inik sinneqartoorsimasoq Naalakkersuisut uppersarsinnaavaat?

4b: Naalakkersuisut 2013-imi Tusagassiivik Sermitsiaq/AG-mut aviisinut tapiissummik tunniussisimasut aammalu Tusagassiivik Sermitsiaq/AG ukiup taassuma siuliani akileraaruteqareernermi 4, 74 mio. kr.-inik sinneqartoorsimasoq Naalakkersuisut uppersarsinnaavaat?

4c: Tusagassiivik Sermitsiaq/AG 2013-imi akileraaruteqareernermi 3,3 mio. kr.-inik sinneqartoorsimasoq, taamaalillunilu Tusagassiivik Sermitsiaq/AG-ip ukiumi kingullerni, Naalakkersuisut Tusagassiivik Sermitsiaq/AG-mut aviisinut tapiissuteqarfigisaani, ukiumut angusai ukiut siulini pitsaannerusimangitsut Naalakkersuisut uppersarsinnaavaat?

Inussiarnersumik inuulluaqqusillunga

Jens Immanuelson

Aningaasaqarnermut Akileraartarnermullu Ataatsimiititaliami siulittaasoq



Inatsisartut
/-Maani

Att.: Aningaasaqarnermut Akileraartarnermullu Ataatsimiititaliaq

Tusagassiuutinut tapiissutit pillugit Aningaasaqarnermut Akileraartarnermullu Ataatsimiititaliap saaffiginnissutaanut akissuteqaat

Naalakkersuisut Aningaasaqarnermut Akileraartarnermullu Ataatsimiititaliamit apeqqtunik arlalinnik pissarsiaqarsimapput Nuna tamakkerlugu saqqummersartunut aviisinut tapiissutit, konto 10 06 24 pillugu.

22-08-2014
Suliap nr 2014-102612
Upp. normua 1658718

Suliami matumani Naalakkersuisut peqqissaartumik misissueqqissaarisimapput suliassarlu maluginiaqqissaarlugu suliarisimallugu, tassami Naalakkersuisunit ilimagineqarmat, tamannarpiaq maluginiarneqarlussasoq, naalakkersuisut aningaasaqarnikkut illersorneqarsinnaasumik takutitsingippata aammalu tapiissutinik tunniussingippata.

Postboks 1015
3900 Nuuk
Oqarasuaat (+299) 34 50 00
Allakkasuaat (+299) 32 50 02
E-mail: govsec@nanog.gl
www.naalakkersuisut.gl

Aallarniutigalugu Naalakkersuisunit oqaatigineqassaaq, tupaallaatigalugu Aningaasaqarnermut Akileraartarnermullu Ataatsimiititaliaq apeqqtuqarmat, peqqissaartumik suliamik suliarinnissimanermi naggataatigullu, inuiaqatigiinnut sipaarutaasumik aningaasatigullu illersorneqarsinnaasumik aalajangiinermi.

1a: Naalakkersuisut naliliineraat, apeqqutaatinnagu missingersuutini immikkoortiterinermi piffissaliussatut oqaatiginninneq Naalakkersuisut periarfissaqartut piffissaliussamik qaangiineq isiginngitsuusaassallugu, imatut pisumi nuna tamakkerlugu saqqummersartunik aviisinik ataasiinnaavimmik saqqummersitsisoqarnerani taamalu ataasiinnarmik qinnuteqaateqartoqarsinnaassalluni?

Akissuteqaat:

Aap Naalakkersuisut isumaqarput tunngavissaqarluarpat piffissaliussamik qaangiisoqarsinnaasoq. Naalakkersuisullumi aamma taama iliorput, tassami qinnuteqaat suliarineqarmat, naliliiffigineqarluni aalajangiiffigineqarlunilu.

1c: 1a-mut apeqqtut uppersaataasumik akineqarsimappat: Naalakkersuisut piffissaliussamik qaangiineq akuerippasuk qinnuteqaammillu suliarinnillutik eqqortumik ima paasineqassava piffissaliussamik qaangiineq itigartitsinissamut tunngavilersornermi aalajangiisuusutut pingaartinneqarsinnaanani?

Akissuteqaat:

Ilumoorpoq Naalakkersuisut piffissaliussamik qaangiinermik akuerinnillutik qinnuteqaammik suliarinnippata piffissaliussamik qaangiineq itigartitsinissamut tunngavilersornermi aalajangiisuusutut pingaartinneqarsinnaanngitsaq. Naalakkersuisulli isumaqarput aalajangiinermik pineqartumik tunngavilersornermi piffissaliussamik qaangiineq aalajangiisuusumik pingaartinneqarsimanngitsaq. Taamaalillutik Naalakkersuisut qinnuteqaat kingusinaartumik tunniunneqarsimammat qinnuteqaammik ingerlaannaq itigartitsissuteqaangillat.

1d: Naalakkersuisut uppersarsinnaavaat, Mediehuset Sermitsiaq/AG siusinnerusukkut marloriarluni (qularnanngitsumik 2011-mi aamma 2012-mi)

piffissaliussap qaangiutereernerani aviisinut tapiissutinik qinnuteqartarsimasoq, tamatuma kingunerinagu, qinnuteqaatip itigartinneqarnera imaluunniit qinnuteqartumut itigartitsisoqarnera?

Akissuteqaat:

Uppernarsarneqarsinnaavoq, siusinnerusukkut Naalackersuisuusimasunit Sermiatsiaq/AG tapiiffigineqarsimammat, naak piffissaliussaq qaangerneqarsimagaluartoq aamma ilanngulluguttaaq piffissami taamani aalajaatumik Mediehuset isertitaqartaraluartoq. Naalackersuisuusimasut 2013-imut Aningaasanut Inatsisissatut Siunnersuummik suliarinninnermi 2013-ip upernaavani qinersinissamik nalunaaruteqartoqannginnerani toqqarsimavaat, siunnersuutigissallugu Nuna tamakkerlugu aviisinut saqqummersartunut tapiissutit 1,5 mio. kroniniit siunissami 2,5 mio. kroninut qaffanneqarnissaat.

2 Taamatut ajornartorsionermut Naalackersuisut sunik oqaaseqaatissaqarpat?

Akissuteqaat:

Soorlu oqaatigineqareersutut, Naalackersuisut isumaqarput akileraartartut aningaasaataannik aqutsinermi aningaasaqarniarnikkut akisussaassuseqartumik takutitsinissamut pisussaaffeqarnej pingaaruteqartorujussusoq.

Naalackersuisut ersarilluinnartumik naliliineraat matumani pineqanngimmata pingngoritami ajunaarnersut tusintilikkaanik inuit inuunerinik annaasaqarfiusoq, ajornartoornermi ikiorineq, imaluunniit allatut "pisariaqartumik" aamma "peqqussutaasumik" tapiissuteqarnissaq, paarlattuanilli aalajangersimasumik tapiissutinut aningaasaliissuteqarnej tamatumunnga atasumik qinnuteqarnissamut piffissartalik.

3a: Naalackersuisut paasinninneraat, 2014-imut Aningaasanut Inatsisip Inatsisartunit akuersissutigineqareernerata kingorna imatut pisoqarsimasoq, Inatsisartut 2014-imut Aningaasanut Inatsimmit akuersissutiginninneranni naatsorsuutigineqarsinnaanngitsumik Nuna tamakkerlugu aviisinik saqqummersitsisartup aningaasaqarniarnerani ineriartortoqarsimasoq, tapiissutinik pisariaqartitsiunnaarsitsisumik?

Akissuteqaat:

Naalackersuisunit Nuna tamakkerlugu aviisini ineriartorneq naatsorsuutigineqarsinnaanngitsut taaneqarsinnaanngilaq, paasisinnaalluguli Sermitsiaq/AG ukiumoortumik kingullerpaanik naatsorsuutimigut ima patajaatsigisumik aningaasaqarnikkut killiffimmut pisimasoq, tapiissutit, Naalackersuisut naliliinert naapertorlugu, ukioq manna tunniunneqartariaqaratik.

3b: Naalackersuisut paasinninneraat, missingersuutitigut immikkoortiterinermi siunertanut nalunaarutit kingunerigaat, tapiissutinik tunniussinissami piumasaqaatigineqartoq, qinnuteqartup ingerlaavartumik Nuna tamakkerlugu sapaatip akunnikkuutaartumik aviisinik saqqummersitsisarnera ulorianartorsiorinneqassasoq, tapiissutit tunniunneqassanngikkaluarpata?

Akissuteqaat:

Naamik, Naalakkersuisut isumaqarput sapaatit akunnikkuutaartumik Nuna tamakkerlugu atuagassianut tapiissuteqartoqarsinnaasoq, tapiissuteqartoqanngippat atuagassiat ingerlanneqarnerat ulorianartorsiortinngikkaluarlugu. Taamaattorli Naalakkersuisut isumaqarput sapaatit akunnikkuutaartumik Nuna tamakkerlugu atuagassiat tapiissuteqarfigineqarnissamut inatsisitigut pisassaqaartinneqartut. Taamaattumik Naalakkersuisut qinnuteqaammik naliliisussaapput, inatsisit naapertorlugit missiliuisussaallutik aalajangiisussaallutillu, tamannalumi aamma suliami pineqartumi pivoq.

3c: Missingersuutitigut immikkoortiterinerit piginnaatitsisummik imaqanngillat, tassalu Naalakkersuisunit qinnuteqaateqartut paasissutissanik piunaffigineqarsinnaasut qinnuteqartut aningaasaqarnikkut pissusii pillugit, aamma missingersuutitigut immikkoortiterinerni takuneqarsinnaavoq, aningaasat tunniunneqartassasut 4-nut immikkoortitaarlugit, siullermik 15. januaarimi, tassa imaappoq qinnuteqarnissamut piffissaliussap qaangiunnerani taamaallaat sapaatip akunnera ataaseq qaangiuppat. Tamatumani paasineqassanerluni, Inatsisartunit naatsorsuutigineqarsimasoq, aningaasat tunniunneqassasut qinnuteqartut ataasiakkaat aningaasaqarnikkut pissusiinik aalajangersimasumik nalilersuineq tunuliaqutigalugu?

Akissuteqaat:

Naalakkersuisut soorluttaarlu aamma Inatsisartut aalajangiissatillugit, Nunami tamat oqartussaaqataaneranni sulinerlut ineriartornermullu aalajangiisuulluinnassasoq, tamanna pisassappat ajornanngippat sapinngisamik tunngavik nassuiarluarneqarsimasoq naapertorlugu. Atorfillittat ataqinernerpaamik suliassaraat sapinngisamik tunngavik nassuiarluarneqarnerpaaq saqqummersissallugu. Taamatut pisoqanngippat imatut pisoqaratarsinnaavoq, aalajangiisartut "sattallutik" aalajangiisat aalajangiinerat. Taamaattumik qinnuteqaateqartup aningaasaqarneranik misissuataarineq pissusissamisoorluinnarpoq pisariaqarluni suliarissallugu tassalu suliamik matuminnga saqqummiussissalluni aalajangiisartut aalajangiisinaanerat sioqqullugu. Naak tamanna aamma eqqoqqissaartumik missingersuutitigut immikkoortiterinerni oqaasertalerlugu allanneqarsimanngikkaluartoq.

3d: Ukiuni siuliini Naalakkersuisunit aviisinut tapiissutinik qinnuteqartut piunaffigineqartarsimappat qinnuteqaateqartut aningaasatigut pissusii pillugit paasissutissanik?

Akissuteqaat:

Naalakkersuisut pissutissaqavissumik naalakkersuisuusimasut sinnerlugit akissuteqarsinnaanngillat, sulialli pisoqaanerusat atortussartaasigut takusinnaallugu - ukiuni tamani peqqissaartumik aningaasaqarnikkut misissuataarisooqartarsimasoq aalajangiinissami isummernissamut tunngavissiani ilanngunneqarsimasuni.

4a: Naalakkersuisut uppernarsarsinnaavaat, Naalakkersuisunut 2012-imi Mediehuset Sermitsiaq/AG aviisinut tapiissutinik tunineqarmat, aammalu Mediehuset Sermitsiaq/AG ukiumi qaangiuttumi akileraareerluni 3,1 mio. kroninik sinneqartoorteqarsimasoq?

Akissuteqaat:

Apeqquutit tulliuuttut pingasut akissuteqarfiginginnerini Naalakkersuisunit Aningaasaqarnermut- aamma Akileraartarnermut Ataatsimiititaliaq erseqqissaavigineqassaaq, Kalaallit Nunaanni Isertitanik akileraartarneq pillugu inatsimmi § 3 imm. 2 naapertorlugu Mediehuset, akileraartussaataitanermit ilaatinneqanngimmat. Allatut oqaatigalugu tamanna isumaqarpoq, apeqquutigineqartut sinneqartoortoqarsimanersoq akileraartinnani akileraareerluniluunniit isumaqanngimmata.

Apeqquut saqqummiunneqartoq iluoornerarneqarsinnaavoq.

4b: Naalakkersuisut uppersarsinnaavaat, Naalakkersuisunut 2013-imi Mediehuset Sermitsiaq/AG aviisinut tapiissutinik tunineqarmat, aammalu Mediehuset Sermitsiaq/AG ukiumi qaangiuttumi akileraareerluni 4,74 mio. kroninik sinneqartoorteqarsimasoq?

Akissuteqaat:

Apeqquut saqqummiunneqartoq iluoornerarneqarsinnaavoq.

4c: Naalakkersuisut uppersarsinnaavaat, Mediehuset Sermitsiaq/AG 2013-imi akileraareerluni 3,1 mio. kroninik sinneqartoorsimasoq, aammalu Mediehuset Sermitsiaq/AG-p ukiumoortumik angusai ukiuni kingulliunerusuni taamaasillutik ukiut siulliniit pitsaanusimannngitsut, taakkunani Naalakkersuisut Mediehuset Sermitsiaq/AG-mut aviisinut tapiissutinik tunniussaqarnikuusimalluni.

Akissuteqaat:

Sinneqartoortutit 3,3 mio-nit pineqarpata apeqquutigineqartoq iluoorpoq.

Aningaasaqarnermulli Akileraartarnermulli Ataatsimiititaliap ukiumoortumik naatsorsuutini inissiiviit allat isiginiartariaqarpai, taakkunani ilaatigut aamma takuneqarsinnaasoq Mediehuset Sermitsiaq/AG-ip namminerisamik aningaasaatai - ukiorpassuit pitsaasunik angusaqartarneq pissutigalugu kingunererpiarsimammassuk mediehuset-imit namminerisamik aningaasaatit annertusisinneqarsimmata 14 mio. kronerujussuarnik. 2,5 mio. kroninik tapiissutinik tunniussineq naggataatigut inissiivimmit taassuminnga annertusisitsinnassaaq, tamannalu Naalakkersuisut naliliinerat naapertorlugu akileraartartut aningaasaataannik illersorneqarsinnaasumik iliuuseqarnerussalluni, tassami inuiaqatigiinni allani aningaasat taakkorpiat iluaqusiinerusinnaassammata.

Inussiarnersummi inuulluqaqsillunga



Aleqa Hammond

Taamani Aningaasaqarnermut Ataatsimiititaliaasoq (kinguliani ”Aningaasaqarnermut Ataatsimiititaliaq”-mik taagorneqartoq) taamani Naalakkersuisusunut (kinguliani ”Naalakkersuisut”-nik taagorneqartut) Tusagassivik Sermitsiaq/AG-p aviisinut tapiissuteqarfigineqarnissaanik itigartitsineq pillugu ull. 7. august 2014-imi arlalinnik apeqquteqarpoq. Naalakkersuisut apeqqutit taakku 22. august 2014-imi allagaqarlutik akivaat.

Naalakkersuisut akissutaat tunngavigalugit apeqqutit arlallit akissuteqarfigeqqullugit Allattoqarfiup inatsisilerinermut immikkoortortaa Aningaasaqarnermut Ataatsimiititaliap qinnuigaa.

Apeqqutit taakku matuma kinguliani akiniarsarissavakka. Missingiusialli Aningaasaqarnermut Ataatsimiititaliap 7. august Naalakkersuisusunut apeqquteqarneranut tunngaviusup suliarineqarnerani Aningaasaqarnermut Ataatsimiititaliap allatseqarfianut ikiuussimanerma aallarniutigalugu paasissutissiissutiginnissaa eqqornerpaatut isigaara. Nammineq isumaga malillugu taamaaliornikkut suliamut ima akuliutinngilanga akissutip matuma arlaannaannulluunniit attuumassuteqanngitsumit nalilerneqarnera apeqquserneqarsinnaalluni, kisiannili tamanna ataatsimiititaliap nammineq naggataatigut naliligassaraa.

Apeqqut 1:

Suliat sukumiisumik suliarineqarsimanera aammalu inuiaqatigiinnut sipaarutaasumik aningaasaqarnikkullu illersorneqarsinnaasumik aalajangiisimaneq Aningaasaqarnermut Ataatsimiititaliamit apeqquserneqarnera tupaallaatigigitsik Naalakkersuisut 22. august akissutiminni oqaatigaat.

Taama allanneq Aningaasaqarnermut Ataatsimiititaliamit ”eqqumiigineqarpoq naleqqutinngitsutullu isigineqarluni”, tamannalu tunngavigalugu Naalakkersuisoqarfiup sulianik ingerlatsineranut attuumassuteqartunik ataatsimiititaliap apeqquteqarnera inatsisartutigoortumik suleqatigiinnikkut ”tupaallannartut” isigineqarsinnaanersoq apeqqutigalugu.

Inatsisilerinermut immikkoortortap uppersarsinnaavaa Inatsisartut suleriaasianni § 14 naapertorlugu Inatsisartut ataatsimiititaliaata pisussaaffigigaa ilaatigut Naalakkersuisusunut apeqquteqartarnermigut suliassaqarfimmi iluani ingerlatsinermik malittarinninnissaq aammalu Naalakkersuisut inatsisitigut killissarititat iluanni ingerlatsinikkulluunniit ileqqorissaarnermut tunngatillugu killigitat iluanni ingerlatsinissaat nakkutigissallugu.

Taamaattumillu suliamut Aningaasaqarnermut Ataatsimiititaliap apeqquteqarsimanera Naalakkersuisut oqaaseqaateqarneranni (toqqaannartumik toqqaannangikkaluamilluunniit) uparuarneqarsimappat taamaaliorneq Aningaasaqarnermut Ataatsimiititaliap atuuffianut suliasaanullu kukkumik paasinninnermik imaluunniit naammangitsumik paasisimasaqarnermik tunngaveqarsimassaaq.

Apeqqut 4:

Naalakkersuisut 22. august 2014-imi akissumminni ilaatigut ima allapput:

”Suliami matumani Naalackersuisut peqqissaartumik misissueqqissaarisimapput suliassarlu maluginiaqqissaarlugu suliarisimallugu, tassami Naalackersuisunit ilimagineqarmat, tamannarpiaq maluginiarneqarluassasoq, naalackersuisut aningaasaqarnikkut illersorneqarsinnaasumik takutitsinngippata aammalu tapiissutinik tunniussinngippata.”

Tamanna tungavigalugu ataatsimiititaliamit kissaatigineqarpoq paasissutissiissutigineqassasoq suliani ataasiakkaani aalajangiisoqannginnerani suliap maluginiarneqarnissaa eqqumaffigineqarpat tamanna suliamik pitsaasumik ingerlatsinissamut naapertuunnersoq.

Inatsisilerinermut immikkoortortap tassunga tunngatillugu oqaatigissavaa suliap eqqortumik aalajangiiffigineqarlunilu suliarineqarnissaata qulakkeerneqarnissaa siunertaralugu suliap aalajangiiffigisassap suulluunniip pisariaqartumik sukumiissusilimmik suliarineqarnissaa oqartussaasut ingerlatsiveqarfiisa soorunami pisussaaffigigaat.

Tamannali ima paasineqarsinnaagunanngilaq suliamik tamanit assut eqqumaffigineqartumik immikkut (sinnerlugu) sukumiissuseqartumik suliarinninnissamut oqartussaasut ingerlatsiveqarfii mattunneqartut – tamanna piffissap suliamik suliarinniffiusup pisariaqanngitsumik sivitsorneranik soorunami kinguneqanngippat.

Apeqquut 2 aamma 5:

Aningaasat aningaasanut inatsimmi immikkoortinneqartut ukiuni aningaasanut inatsiseqarfiusuni ataasiakkaani atorneqassanersut atorneqassannginnernulluunniit Naalackersuisoqarfiup nammineq aqussinnaaneraa paasissutissiissutigineqassasoq ataatsimiititaliamit kissaatigineqarpoq (apeqqut 5).

Kiisalu namminerisamik inuiaqatigiillu aningaasaqarneranni eqqumaffigisassat nalinginnaasut misingersuutinut ilanngussami aningaasanik tunniussinissamut piumasaqaatinit aalajangersarneqartunit pingaartinneqarnerunerat sulianik pitsaasumik ingerlatsinissamut naapertuunnersoq paasissutissiissutigineqassasoq ataatsimiititaliamit kissaatigineqarpoq.

Soorlu ataatsimiititaliap Naalackersuisunut 7. august 2014-imi apeqqutaani tikkuarneqartutut aningaasaliissutinik inatsisitigut pisussaaffiunngitsunik tamakkiisumik ilaannakortumilluunniit atuinissaq aallaavittut isigalugu Naalackersuisut pisussaaffiginngilaat – akerlianik aningaasanik isumagisassanngortinneqartunik aningaasaqarnikkut akisussaassuseqartumik atuinissamut Naalackersuisut nalinginnaasumik pisussaaffeqarput.

Soorlu ataatsimiititaliap Naalackersuisunut apeqqutaani aamma tikkuarneqartutut tamanna aallaavissaannaavoq: Taamaalilluni aningaasaliissutit ima oqariartuutitaqartutut paasineqarsinnaapput; ingerlatassap aalajangersimasup imaluunniit anguniakkap aalajangersimasup anguniarneqarnissaanik Naalackersuisut Inatsisartunit peqquneqarsimasut. Pisulli ilaanni aningaasaliissutit tamakerlugit atornissaannut Naalackersuisut allaat pisussaaffilerneqarsinnaapput. Tamatumunnga assersuutaasinnaavoq pinngortitami ajunaarnersuaqarneranut (assersuutigalugu Balimi tassaarnermut) Inatsisartut aningaasanut inatsimmi aningaasanik ikiuinnermut atugassanik immikkoortitsisimasut.

Taamaattoqartillugu ikiuinarluni suliniarnermut aalajangersimasumik tapiissuteqarnissamut Inatsisartut Naalakkersuisunut peqqussutaattut aningaasaliissutit isigineqarsinnaapput, taamaattu- millu aningaasaliissutit Naalakkersuisunit atunngitsoorneqarsinnaassanatik imaluunniit taakku ilaannaat atorineqarsinnaassanatik.

Naalakkersuisut akissummini allapput ” Naalakkersuisut ersarilluinnartumik naliliineraat matumani pineqanngimmata pinngortitami ajunaarnersut tusintilikkaanik inuit inuunerinik annaasaqarfiusoq, ajornartoornermi ikiorsiineq, imaluunniit allatut ”pisariaqartumik” aammalu “peqqussutaasumik” tapiissuteqarnissaq, paarlattuanilli aalajangersimasumik tapiissutinut aningaasaliissuteqarneq tamatumunnga atasumik qinnuteqarnissamut piffissarlatik.”

Tassunga atatillugu oqaatigineqassaaq apeqqutaanngimmat siunertaq Inatsisartunit aningaasanik immikkoortitsiffigineqartoq pinngortitami ajunaarnersuaanersoq imaluunniit ajornartoornermi ikiorsiissutaanersoq. Aningaasat siunertamut Inatsisartunit immikkoortinneqartut atornissaannut Naalakkersuisut pisussaaffeqarsinnaapput, aamma siunertaq pinngortitami ajunaarnersuarmut imaluunniit ajornartoornermi ikiorsiinermut assersuunneqarsinnaanngilluinnaraluarpat – soorlutaaq aningaasanik pinngortitami ajunaarnersuarmut imaluunniit ajornartoornermi ikiorsiissutissatut atugassatut immikkoortinneqartunik Naalakkersuisut atuinngitsoorsinnaasut (eqqaamasakkalu malillugit ukiumi ataatsimi Naalakkersuisut taamaaliorput).

Aalajangiisuusoq tassaavoq:

- a) aningaasat aalajangersimasumik annertussusilikkat iluanni Naalakkersuisut siunertamut aalajangersimasumut tunniussinissamut periarfissinneqarnissaannik, imaluunniit
- b) aningaasat aalajangersimasumik amerlassusillit atorlugit siunertamut aalajangersimasumut Naalakkersuisut tunniussinissaannik

Inatsisartut aalajangiinerannik aningaasaliissutit ersersitsisuunersut.

Aningaasaliissutit assersuutigalugu pinngortitami ajunaarnersuarmut *aalajangersimasumut* ikiuutissatut (assersuutigalugu Balip tassaarnermik eqqorneqarnerani) immikkoortinneqarsimappata aningaasanik taakkuninngarpiaq Namminersornerullutik Oqartussat ikiorsiinissaannik Inatsisartut aalajangiisimanerannik aallaanerusumik aningaasaliissutit paasissallugit aallaavittut isigalugu ajornakusoorpoq. Tamatuma kingorna Naalakkersuisut naliliippata Namminersornerullutik Oqartussat aningaasaqarnerat ima tatineqartigisoq aningaasat nunatsinni atorineqartariaqarlutik, tamatuma akuerineqarnissaannik Naalakkersuisut Aningaasaqarnermut Ataatsimiititaliaq qinnuteqarfigisariaqarpaat. Aningaasanut inatsit Inatsisartunit akuerineqarpoq Inatsisartunillu taamaallaat allanngortinneqarsinnaalluni.

Akilianilli aningaasaliissutit ataatsimut isigalugu pinngortitami ajunaarnersuaqarneranut (tassa pinngortitami ajunaarnersuaqarneranut aalajangersimasumuunngitsoq) ikiorsiissutissatut immikkoortinneqarsimappata aningaasaliissutinik atuinissamut Naalakkersuisut pisussaaffeqarnerannut

pissutsit erseqqinnerusut apeqqutaassapput (taakkununga ilanngullugit aningaasaliissutit oqaasertalersugaanerat Inatsisartullu isumaqatigiinniarnert apeqqutaataassallutik). Nunani tamalaani ajornartoornert Kalaallit Nunaata aalajangersimasunik amerlassusilinnik ukiumut tapiissuteqartarnissaanik aalajangiinertut aningaasaliissutit isigineqarpata aningaasaliissutinik atuinissamut Naalakkersuisut pisussaaffeqassapput. Akerlianilli ajornartoortoqarnerani ikiorsiissuteqarnissap pisariaqartinneqalernerani Aningaasaqarnermut Ataatsimiititaliamut ilassutitut aningaasaliissuteqarnissamik qinnuteqaqqaaratik ikiorsiissuteqarsinnaanermut Naalakkersuisut periarfissinneqarnerattut aalajangiineq isigineqarpat, aningaasaliissutit atorneqassanersut Naalakkersuisut namminneq aalajangersinnaavaat.

Oqaatigineqareersutut: Ajornartoornermi ikiorsiineq assersuutaannaavoq. Siunertat ingerlatallu assigiinngitsorpassuit, aningaasaliissutinik atuinissamut Naalakkersuisunut pisussaaffiliisumik, Inatsisartunit aningaasanut inatsisikkut aningaasanik immikkoortitsiffigineqarsinnaapput: Arctic Winter Games, imminut toqunnissamik ulorianartorsiortut sianerfissaat, partiit qineqqusaarnerannut tapiissutit, tunisassiassanik tunisinermut tapiissutit taaneqarsinnaasunut assersuutaannaapput. Ingerlatap suunera aalajangiisuunngilaq; aalajangiisuusorli tassaavoq aningaasaliinermut tunngaviit qanoq oqaasertalersorneqarsimanerat (soorluttaaq Inatsisartut isumaqatigiinniarnert Aningaasaqarnermullu Ataatsimiititaliap isumaliutissiissutaa qanoq paasinninnissamut soorunami pingaarteqarsinnaasut). Assersuutitut taaneqartut tamarmik aningaasaliissutit atorneqarnissaannut Naalakkersuisut namminneq aalajangiisinnaasunngorlugit (aningaasaliissutit inatsisitigut pisussaaffiunnginnerat tunngavissaatillugu) *imaluunniit* Naalakkersuisunut pituttuisunik aningaasaliissutitalerlugit aningaasaliiffigineqarsinnaapput.

Siunertamut aalajangersimasumut aningaasanik atuinissamut Naalakkersuisunut pituttuisumik aningaasaliissuteqartoqarsimatillugu aallaavittut isigalugu aningaasaliissutit tamakkerlugit atorneqarnissaannut Naalakkersuisut pisussaaffeqarneq ajorput. Oqaatigineqareersutut aningaasanik isumagisassanngortinneqartunik aningaasaqarnikkut akisussaassuseqartumik atuinissamut Naalakkersuisut nalinginnaasumik pisussaaffeqarput. Aningaasanut inatsisip akuerineqarnerani aningaasanit naatsorsuutigineqartunit ikinnerusunik atuilluni siunertaq anguneqarsinnaasoq paasinarsippat Naalakkersuisut sipaaruteqarsinnaatitaapput (aammalu pissutsit apeqqutaatillugit sipaaruteqarnissamut pisussaaffeqarsinnaallutik). Assersuutigalugu innuttaasut spilleriaasiannik misissuinissamut aningaasanut inatsimmi Inatsisartut 1 million kr.-inik immikkoortitsisimappata paasinarsippallu misissuineq 800.000 kr.-iinnaat atorlugit ingerlanneqarsinnaasoq imaluunniit aningaasaateqarfik misissuinissamut millionit affaannik aningaasaleerusuttoq Inatsisartut siunertamut aningaasaliissutigisaasa tamarmiusut atornissaannut Naalakkersuisut soorunami pisussaaffeqanngillat.

Pisulli ilaanni aningaasaliissutit tamarmiusut atornissaannut Naalakkersuisut pisussaaffeqarsinnaapput. Assersuutitut taareerpara Balimi tassaarnermut atatillugu ikiuinissamut Inatsisartut aningaasanut inatsimmi aningaasaliisimanerat. Assersuut alla tassaasinnaavoq Kalaallit Nunaata namminiilernissaa pillugu taasisitsinissamut atatillugu paasisitsiniaanissap ingerlanneqarnissaanut Inatsisartuni partiinut ataasiakkaanut tamanut 100.000 kr.-inik aningaasanut inatsimmi Inatsisartut

immikkoortitsisinnaanerat. Taamaappat partiip aalajangersimasup amerlasuunik aningaasaateqalersimanera taamaattumillu paasisitsiniaanissamut nammineq aningaasaliisinnaanera innersuussutigalugu Naalackersuisut partii taanna 20.000 kr.-iinnarnik tunisinaanngilaat (tassa tamanna aningaasaliissuteqarnermi tunngavinni allassimasimangippat).

Aamma aningasaliissutit tamarmiusut atorneqannginnissaannik Naalackersuisut aalajangiisinaatillugit – pissutsit apequtaatillugit – Naalackersuisut qanoq sipaaruteqartigisinnaanerannik killiliisoqarsinnaasariaqarpoq. Assersuutigalugu Dronning Margrethep 100-liinissaanut tunissutissamut Inatsisartut 200.000 kr.-inik immikkoortitsisimappata Naalackersuisut assersuutigalugu 180.000 kr.-iinnaat atorsinnaavaat, Naalackersuisulli atuakkamik tunissuteqarnissamut 380 kr.-iinnaat atorsinaanngilaat. Inatsisartummi aningaasaliissutimikkut tunngavissaatimmassuk tunissutissartik aalajangersimasumik annertussuseqassasoq annertussutsimillu taassuminnga saneqqutsineq annertoq Inatsisartunit taparserneqaqqaartariaqassaaq.

Tamakku tamarmik pissusissamisoortumut, tassalu aningaasanut inatsimmi aningaasat qanoq agguataarneqarnissaannut Inatsisartut aalajangiisussaananerannut ersiutaapput: siunertat ingerlatassalluunniit aalajangersimasut aningaasaliiffigineqarnissaat Inatsisartut aalajangersinnaavaat aamalu siunertat ingerlatassallu taakku aningaasanik aalajangersimasunik amerlassusilinnik immikkoortitsivigineqarnissaat Inatsisartut aalajangersinnaavaat. Aammali Inatsisartut aningaasaliinertik aqutigalugu aningaasanik, Naalackersuisut – pisariaqartitsineq aalajangersimasumillu naliliineq naapertorlugu – siunertamut erseqqinnerusumik aalajangersarneqartumut atorsinnaasaannik atugassiisinaapput.

Inatsitigut pisussaaffiunngitsumik aningaasaliissutit immikkoortinneqartut atorneqarnissaannut Naalackersuisut pituttorneqarsinnaanerannut (taamaassimappallu aningaasat *tamarmiusut* atorneqarnissaannut Naalackersuisut pituttorneqarsinnaanerannut) tunngatillugu oqaatigineqareersutut apequtaavoq aningaasaliissutit ataasiakkaat qanoq paasineqarsinnaanersut.

Suliamut matumani pineqartumut tunngatillugu nuna tamakkerlugu aviisinut tapiissuteqarnissamut aningaasaliissutinut inatsitigut tunngavigineqartoq aningaasanut inatsimmik konto pingaarnermi 10.06.24-mi nassaassaavoq (tapiissutitut aningaasaliissut).

Konto pingaarnermi tassani missingersuutit immikkoortiternerini makku paasissutissiissutigineqarput:

"Konto pingarneq manna aqutigalugu Naalackersuisut kissaatigaat nuna tamakkerlugu aviisit saqqummersinneqartarnerisa ingerlaannarnissaa.

Aviisit ingerlaannarnissaat qulakkeerniarlugu tapiissutit tunniunneqarput, peqataanillu allatut siammarterisinnaanermut ineriartortitsinissaminnik imaluunniit sunnuteqarnerusumik tunisassiorsinnaanermut teknikip tungaatigut nutaanik suliniuteqarnissaminnut periarfissinneqassapput.

Konto pingaarnermi matumani aningaasaliissutit qinnuteqaateqareernikkut tunniunneqartassapput. Qinnuteqartunut piumasarineqarpoq sapaatit akunneri tamakkerlugit nuna tamakkerlugu aviisinik kalaallisut danskisullu naqitanik saqqummertoqassasoq.

Kontomi pingaarnermiit matuminnga ukiut tamaasa aningaasaliissutinik qinnuteqartoqarsinnaavoq kingusinnerpaamik 8. januar. Tamatuma kingorna aningaasaliissutit qinnuteqaateqarsimasut akuerisat akornanni agguanneqassapput. Aningaasaliissutit qaammatit pingasukkaarlugit ulluni 15. januar, 15. april, 15. juli aammalu 15. oktober tunniunneqartassapput."

Aningaasat qinnuteqartoqarneratigut agguanneqartartussaanerisa soorunami kingunerissavaa Naalakkersuisut qinnuteqaatinik tigusaqanngikkunik aningaasat taakku atorneqarnissaannut pisussaaffeqannginnerat.

Missingersuutit immikkoortiternerat naapertorlugu qinnuteqartut aviisinik kalaallisut danskisullu naqiterneqartartunik nuna tamakkerlugu sapaatip akunneri tamaasa saqqummiisarunik aatsaat tapiiffiqineqarsinnaatitaapput. Tamatuma soorunami kinguneraa piumasqaammik tamatuminnnga qinnuteqartut naammassinninngippata aningaasanik immikkoortinneqartunik atuinissamut Naalakkersuisut pisussaaffeqannginnerat.

Missingersuutit immikkoortiterneranni kingusinnerpaamik qinnuteqarfissaq nalunaarneqarsimavoq (8. januar). Aallaavittut isigalugu qinnuteqarnissamut piffissamik killiliisimanerup kingunerissavaa Naalakkersuisut piffissaq eqqorlugu qinnuteqaammik tigusaqarsimanngikkunik aningaasat atorneqarnissaannut pisussaaffeqannginnerat.

Aningaasalli kontomi pingaarnermi immikkoortinneqartut qinnuteqartut piumasqaatinik naammassinnissimasut akornanni, tassa ataatsimit amerlanerusunik qinnuteqartoqarsimappat, agguarneqarnissaat eqqarsaatigalugu piffissaliisoqarsimanissaa ilimagineqartariaqarpoq. Ukiumi aningaasanut inatsiseqarfiusumi kalaallisut danskisullu aviisinik sapaatip akunnikkaartumik naqiterneqarlutik saqqummiisartut ataatsimit amerlaneruppata qinnuteqarfissamik killiliinissaq pisariaqarpoq, taamaaliornikkut kingusinnerusukkut qinnuteqaatinik allanik takkuttoqarnissaa aarleqqutigiginagu aningaasat qinnuteqarsimasut akornanni agguanneqarsinnaaqullugit.

Aviisinik kalaallisut danskisullu sapaatip akunnikkaartumik naqiterneqartartunik saqqummiisartog maanna ataasinnaammat qinnuteqarnissamut piffissaliussamik qaangiineq isiginiangitsoorneqarsinnaasorinarpoq (Naalakkersuisullumi Aningaasaqarnermut Ataatsimiititaliamut akissutiminni taama isumaqartut allassimavoq, soorluttaaq Naalakkersuisut arlaleriarlutik taamaaliortarsimasut).

Taamaalilluni aviisinik kalaallisut danskisullu sapaatip akunnikkaartumik naqiterneqartartunik saqqummiisartog maannatut ataasiinnaagallartillugu piffissaliussamik qaangiineq aningaasanik immikkoortinneqarsimasunik atuinissamut Naalakkersuisut pisussaaffigisinnaasaminnik atuinngitsoortissinnaangilaat.

Apeqqutaavorli piumasaqaatinut aalajangersarneqarsimasunut eqquutsisisunik qinnuteqartoqarpat aningaasanik immikkoortinneqarsimasunik atuinissamut Naalakkersuisut pisussaaffeqarnerisut. Apeqqulli taanna tikitsinnagu piumasaqaatit suunerannik apeqqutip uniffigilaarnissaa tungavissaqarluarsinnaavoq.

Konto pingaarnermi 10.06.24-mi missingersuutit immikkoortiternerini (qinnuteqarfissamut piffissaliussap saniatigut) piumasaqaat ataasiinnaavoq: Qinnuteqartunut piumasarineqarpoq sapaatip akunneri tamakkerlugit nuna tamakkerlugu aviisinik kalaallisut danskisullu naqitanik saqqummertoqassasoq.

Aammali missingersuutit immikkoortiternerat malillugu ”aviisit ingerlaannarnissaat qulakkeerniarlugu tapiissutit tunniunneqarput, peqataanillu allatut siammarterisinnaanermut ineriartortitsinissaminnik imaluunniit sunniuteqarnerusumik tunisassiorsinnaanermut teknikip tungaatigut nutaanik suliniuteqarnissaminnut periarfissinneqassapput”.

Tamanna tungavigalugu ataatsimiititaliap Naalakkersuisunut apeqqutigaa Naalakkersuisut isumaat malillugu missingersuutit immikkoortiterneranni siunertaq taaneqartoq ima isumaqarnerisog; tapiissutit tunniunneqangippata qinnuteqartup aviisinik sapaatip akunnikkaartumik saqqummersitsinnaanerata ulorianartorsiulernissaa tapiissutinik tunniussinissamut apeqqutaatinneqassasoq. (Ataatsimiititaliap apeqqutaa 3b). Naalakkersuisut akippat Naalakkersuisut isumaqartut aviisit ingerlatsinerat ulorianartorsiunngikkaluartoq tapiissuteqartoqarsinnaassasoq.

Tamatuma kingunerisaanik assortorneqarsinnaasorinangilaq tusagassiutinut tapiissutinik pissarsinissamut piumasaqaatituaq tassaasoq qinnuteqartup aviisinik sapaatip akunnittaartumik kalaallisut danskisullu naqiterneqartartunik nuna tamakkerlugu saqqummersitsisarnissaa. Taamatuttaaq assortorneqarsinnaangilaq Tusagassivik Sermitsiaq/AG piumasaqaammik tamatumingna naammassinnimmat.

Taamaalillutalu piunasaqaatitut aalajangersarneqarsimasunik naammassinnittumik qinnuteqartoqarnerani aningaasanik immikkoortinneqartunik Naalakkersuisut atuinissamut *pisussaaffeqarnerannik* apeqqu uterfigaarput.

Kontomi pingaarnermi 10.06.24-mi missingersuutit immikkoortiternerini allassimammat aningaa-saliissutit qinnuteqaateqarsimasut akuerisat akornanni agguaanneqassasut, tamanna ima paasineqarsinnaasorinarpoq aningaasaliissutit tamarmiusut qinnuteqartunut piunasaqaatinik naammassinnittunut PINNGITSOORATIK agguaanneqassasut. Oqaaseqatigiit “qinnuteqartut piunasaqaatinik naammassinnittut” atornagit oqaaseqatigiit ”qinnuteqarsimasut akuerisat” atorneqarsimanerat aamma ima paasineqarsinnaavoq qinnuteqartut missingersuutit immikkoortiternerini piunasaqaatinik naammassinnissimasut aningaasat siunertamut immikkoortinneqarsimasut ilaannik pisinnaatitaasut.

Missingersuutit immikkoortiternerinik taamatut paasinninnerup kinguneraa piunasaqaatitut aalajangersarneqarsimasunik naammassinnittunik qinnuteqartoqarpat aningaasanik immikkoortinneqartunik atuinissamut (taakkulu tamakkerlugit atorneqarnissaannut) Naalakkersuisut *pisussaaffeqartut*.

Akerlianilli tamanna imaanngilaq ima paasineqassasoq; qinnuteqartut piunasaqaatinik naammassinnittut arlaqarpata aningaasaliissutit qinnuteqartut akornanni *assigiissumik* agguarneqassasut. Qinnuteqartut arlaqarsimappata qinnuteqartut aningaasaqarnikkut atugaannik Naalakkersuisut isiginninniansinnaasut ilimannarpoq (imaluunniit tamatumunnga periarfissaqarlutik).

Pisumili matumani pineqartumisut ataasiinnarmik qinnuteqartoqartillugu siuliani allassimasutut paasinninneq malillugu qinnuteqartut aningaasaqarnikkut atugaasa isiginiarnissaannut Naalakkersuisut periarfissinngilaat: Tusagassiiviup Sermitsiaq/AG’p ingerlatsinikkut angusai namminerlu aningaasaatai qanorluunniit ikkaluarpata qinnuteqaat Naalakkersuisunit *akuerineqassaaq* aammalu qinnuteqartoq ataasiinnaammat immikkoortitat tamakkerlugit taassumunnga *tunniunneqassapput*.

Naalakkersuisulli Tusagassiivimmu Sermitsiaq/AG-mut itigartitsinerminni (piffissap equutsineqarsimannginerata saniatigut) pingaartissimavaat Tusagassiiviup Sermitsiaq/AG’p aningaasaqarnikkut inissisimanerata ”tapiissuteqarnissamut tunngavissiiinnginnera”. Aammalu Aningaasaqarnermut Ataatsimiititaliap apeqqutaanut 3b-mut akissutiminni Naalakkersuisut oqaatigaat Naalakkersuisut isumaqartut missingersuutit immikkoortiternerini qinnuteqartut tapiissuteqarfigineqarnissamik inatsisitigut piunasaqarnissaannut tunngavissiiinngitsoq. Ilanngullugu ataatsimiititaliap apeqqutaanut 3d-mut akissutiminni Naalakkersuisut paasissutissiissutigaat tusagassiutinut tapiissutinik qinnuteqaatit suliarineqarnissaannut atugassatut tusagassiiviup aningaasaqarneranik Naalakkersuisut ukiut ingerlaneranni ukiut tamaasa sukumiisumik misissuisarsimasut.

Taamaalillunilu missingersuutit immikkoortiterinerinik paasinninneq siuliani nassuiaatigineqartoq Naalakkersuisunit isumaqatigineqanngilaq, aammalu nassuerutigineqartariaqarpoq missingersuutit immikkoortiterineri ima ersaritsigisumik oqaasertalersugaanngitsut qularutigineqarsinnaajunnaarlutik.

Inatsisartut sumik tunngaveqarlutik aviisinut nunatsinni tamarmi saqqummersartunut tapiissutinik immikkoortitsisimanerata paasinissaanut Inatsisartut isumaqatigiinniarnarat taamaallaat killilimmik ilapittuutaavoq.

Aviisunut tapiissutit 2010-mi aningaasanut inatsisikkut atuutilersinneqarput, aallaqqaammut ukiuni pingasuni aaqqissuuserinerugallartut, tamatumanilu siunertarineqarluni aaqqissuussinermut atatillugu nassiussuineranut immikkut tapiissutit atorunnaarsinneqarnerisa kingorna aviisinik nuna tamakkerlugu saqqummersartoqaannarnissaata qulakkeerneqarnissaa.

2013-imi aningaasanut inatsisikkut aaqqissuussineq ataavartunngortinneqarpoq.

Aningaasanut inatsisissatut siunnersuutip suliarineqarneranut atatillugu isumaliutissiissummini Aningaasaqarnermut Ataatsimiititaliaq tamanna pillugu ima oqaaseqarpoq:

”Aviisit nuna tamakkerlugu saqqummersartut tusagassiornikkut pitsaasuunissaat eqqarsaatigalugu taamatut tapiissuteqarnissaq pisariaqartutut isigineqarpoq.”

2014-imut aningaasanut inatsisissap akuerineqarnerani Inatsisartunit oqaatigineqarpoq tapiissuteqartarnissaq suli pisariaqartutut Inatsisartunit isigineqartoq. Aningaasanut inatsisissatut siunnersuummik saqqummiussinermikkut Naalakkersuisut aamma taama isumaqarnertik takutippaat.

Aningaasaqarnermulli Ataatsimiititaliap apeqqutaanut 3a-mut akissutiminni Naalakkersuisut nassuerutigaat 2014-imut aningaasanut inatsisissatut siunnersuummik Inatsisartut akuersissutiginninnerisa kingorna Tusagassiiviup Sermitsiaq/AG’p aningaasaqarnera akuersissutiginninnerup nalaani siumut naatsorsuutigineqarsinnaanngitsumik ineriartorsimanngitsaq.

Taamaalilluni oqaatigineqarsinnaavoq aningaasanut inatsisip akuersissutigineqarnerani tunngavissaatinneqarsimasoq aningaasat immikkoortinneqartut Tusagassiivik Sermitsiaq/AG-mut naatsorsuussaasut. Taamaassimanngippat piviusorsiortumik missingersuusiornissamat pisussaaffiminnik Naalakkersuisut eqqutsitsisimanersut annertuumik apeqquserneqarsinnaavoq.

Naalakkersuisulli paasinninnerat tunngavissaatinneqassappat aningaasat aviisinut nuna tamakkerlugu saqqummersartunut kontomi pingaarnermi immikkoortinneqartut sinaakkusiussaan-

naassapput, taakkulu iluini pisariaqartitsineq aalajangersimasumillu naliliineq naapertorlugu Naalakkersuisut aviisinut nuna tamakkerlugu saqqummersartunut tapiissuteqarsinnaassallutik.

Taamatut paasinninnerup misilinneqarnissaa siunertaralugu Tusagassiivik Sermitsiaq/AG eqqartuussivimmumut (imaluunniit Ombudsmandimut) ingerlatitseqqinnissaminut periarfissaqarpoq .

Apeqquut 3:

Missingersuutininut ilanngussami Naalakkersuisoqarfiup qinnuteqaatinik suliaqartarnermut najoq-qutarisassanik erseqqinnerusunik suliaqarnissaata oqaatigineqarsimannginnera “pitsaasumik ingerlatsinissamut” qanoq sunniuteqarnersoq paasissutissiissutigineqassasoq ataatsimiititaliamit kissaatigineqarpoq.

Apeqquut taanna ima paasivara; qinnuteqartup aningaasaqarnermut atugarisai pillugit paasissutissanik qinnuteqartup tunniussisarnissaanut inatsisitigit tunngavissiissummik missingersuutininut ilanngussami ilanngussisoqarsimannginnerata qanoq kinguneqarnera Aningaasaqarnermut Ataatsimiititaliamit soqutigineqartoq. (Tak. Aningaasaqarnermut Ataatsimiititaliap Naalakkersuisunut apeqquutaa 3c).

Qinnuteqaatip aalajangiiffiginissaanut qinnuteqartup aningaasaqarnikkut atugai pingaaruteqarsimappata qinnuteqaatit paasissutissanik tamakkuninnga imaqarnissaannik piumasaqaateqarnissamut Naalakkersuisut inatsisitigit tunngavissaqartariaqanngillat. Taamaallunilu tusagassiiviup aningaasaqarnikkut atugai pillugit paasissutissanik Tusagassiivimmumut Sermitsiaq.AG'-mut Naalakkersuisut piumasaqarsimanerat pitsaasumik ingerlatsinissamik unioqutsitsinertut oqaatigineqarsinnaanngilaq – tassa aalajangiinnermut sanilliullugu paasissutissat pingaaruteqarsimappata. Aalajangiinnermut tusagassiiviup aningaasaqarnikkut atugai *ilumut* pingaaruteqarnermut missingersuutininut ilanngussap qanoq paasineqartariaqarnera apeqquutaavoq, tak. Aningaasaqarnermut Ataatsimiititaliap apeqquutaanut 5-imut aamma 2-mut akissutigita.¹

¹ Missingersuutininut ilanngussap qanoq paasineqarnissaa aallaavigalugu aningaasaliissutit tamakkerlugit atornissaannik Naalakkersuisut Inatsisartunit peqquneqartut naatsorsuutigineqassappat – ataasiinnarmik qinnuteqartoqarsinnaatillugu – qinnuteqartup aningaasaqarnikkut atugai pillugit paasissutissanik pissarsiniarnissap pisariaqarnera takujuminaassinnaavoq.

Taamaattoqassappalli piffissap ilaani qinnuteqarsinnaasut arlalinnorsinnaanerit eqqumaffigineqarsinnaasariaqarpoq (aralinnik qinnuteqartoqartillugu qinnuteqartut aningaasaqarnikkut atugaannik pingaartitsinissamut Naalakkersuisut pisinnaatitaanissaat ilimanarpoq – imaluunniit minnerpaamik pisinnaatitaanissamut periarfissaqarsinnaallutik, tak. Aningaasaqarnermut Ataatsimiititaliap apeqquutaanut 5-imut aamma 2-mut akissutigita). Allaallumi missingersuutininut ilanngussamik paasinnineq malillugu aningaasaliissutit tamarmiusut atornissaannut Inatsisartut Naalakkersuisunut peqqusisimanissaat aammalu massakorpiaq qinnuteqarsinnaasoq ataasiinnaassasoq ilimagineqarpat Naalakkersuisut assersuutigalugu qinnuteqarfissiamik suliaqarsinnaatitaassapput, tassani qinnuteqartut aningaasaqarnikkut atugaat pillugit paasissutissat ilaatinneqassallutik. Qinnuteqarnissamulli killigitinneqartup qaangiutereernerani aammalu Naalakkersuisut qinnuteqaatinik allanik tigusaqarnissaat ilimananngitsoq paasinarereersoq qinnuteqartup aningaasaqarnini pillugu ilassutit paasissutissiinissaanik tunniussinissamik piumaffigineqarnera suliamut attuumassuteqartutut isigineqarsinnaanaviannngilaq, taamaallunilu pitsaasumik ingerlatsinissamut akerliussutut oqaatigineqarsinnaassalluni – tamatumani aningaasaliissutit tamakkerlugit atornerqarnissaannik Inatsisartut Naalakkersuisunik peqqusisimasut missingersuutininut ilanngussaq malillugu paasineqarsinnaappat.

Qinnuteqartup aningaasaqarnikkut atugai pillugit paasissutissanik qinnuteqartup piunasaqarfigineqarsinnaaneranut inatsisitigut tunngavissamik missingersuutitut ilanngussami ilanngussisoqarsimagaluarpas, tamanna tusagassiutitut tapiissutitut qinnuteqartut aningaasaqarnikkut atugaasa qinnuteqaatitut suliarinninnermi pingaartinneqarsinnaanerannik/pingaartinneqartarnissaannik Inatsisartut aningaasanut inatsimmik akuersissutiginninnerminni tunngavissaatitsisimanerattut paasinninnissamut ilapittuutaasinnaagaluarpoq.

Inatsitigulli tunngavissap taamaattup ilanngunneqarsimannginnera kisiat aallaavigalugu inerniliunneqarsinnaasorinangilaq qinnuteqartut aningaasaqarnikkut atugaannik pingaartitsinissaminnut Naalakkersuisut periarfissaqarsimanngitsut. Qanorli paasinninnissamut ilapittuutit allat taamatut paasineqarsinnaasorinarput. Taamaalilluni konto pingaarnermi 10.06.24-mi missingersuutit immikkoortiterneranni allasimappat aningaasat akuerisat akornanni agguanneqassasut, tamanna ima paasineqarsinnaasorinarpoq aningaasaliissutit immikkoortinneqartut tamarmik qinnuteqartut piunasaqaatitut naammassinnittut akornanni PINNGITSOORATIK agguarneqarnissaat Inatsisartutit tunngavissaatinneqarsimasoq. Taama paasinninnissamut aamma tunngavissaasorinarpoq tusagassiorfinnut tapiissutit siulliit qinnuteqarfissatut killiliunneqartup naanerata kingorna sapaatip akunnerinnaa qaangiuttoq tunniunneqartussaanerata missingersuutitut immikkoortiterinnermi aalajangersarneqarmat. Qinnuteqartut aningaasaqarnikkut atugaannik qulaajaaneq naliliinerlu suliamik suliarinninnermut ilaatinneqarnissaat Inatsisartut tunngavissaatissimagaluarpas suliap suliarineqarnissaanut sapaatip akunnerannik ataatsimik piffissaliineq naammassorinangilaq.

Apeqquut 6:

Tusagassiutitut tapiissutitut tunniussinissamut tunngavissaq qularutigineqaqqunagu missingersuutitut siunissami immikkoortiterineq qanoq ilusilerneqarsinnaanersoq paasissutissiissutitineqassasoq ataatsimiititaliamit kissaatigineqarpoq.

Tusagassiutitut tapiissutitut tunniussinissamut tunngavissaq qularutigineqaqqunagu kontomi pingaarnermi pineqartumi missingersuutitut immikkoortiterinerup erseqqissarneqarnissaa pitsaasuusinnaasoq qularutissaanngilaq.

Missingersuutit immikkoortiternerata qanorpiq oqaasertalersorneqarnissaanut Inatsisartut (Aningaasaqarnermut Ataatsimiititaliap) qanoq kissaatigarnerat soorunami apeqquutaassaaq.

Aningaasat kontomi pingaarnermi immikkoortinneqartut tamarmiusut qinnuteqarsinnaatitaasut akornanni agguarneqarnissaat Inatsisartutit kissaatigineqarpat, tamanna assersuutigalugu ima oqaasertaliinikkut erseqqissarneqarsinnaavoq: ”*Matuma kingorna aningaasat kontomi pingaarnermi immikkoortinneqartut qinnuteqarsinnaatitaasut akornanni tamakkerlugit agguanneqassapput.* ”

Qinnuteqartut aningaasaqarnikkut atugaasa tusagassiutinut tapiissutinik tunniussinermi sunniuteqannginnissaat Inatsisartut kissaatigippassuk assersuutigalugu ima oqaasertaliinissaq isumaliutigineqarsinnaavoq: ”*Matuma kingorna kontomi pingaarnermi aningaasat immikkoortinneqartut qinnuteqartut, kalaallisut danskisullu aviisinik nuna tamakkerlugu sapaatip akunnikkaartumik naqitikkanik saqqummiussisarnissamik piumasagaammik naammassinnittut, akornanni tamakkerlugit assigiissumillu agguanneqartassapput.*”

17. februar 2015

Kent Fridberg